

Roslinda Binti Abdul Razak

From: Unit Komunikasi Korporat
Sent: Monday, March 6, 2017 3:30 PM
To: UUM - All Staff; UUM - All Students; Staf - Pesara UUM
Subject: RIMC Beri Pendedahan Proses Audit MyRA Sebenar Kepada PTJ



Unit Komunikasi Korporat
CORPORATE COMMUNICATION UNIT
Universiti Utara Malaysia



06 MAC 2017 / 07 JAMADILAKHIR 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

OLEH: RIMC

RIMC BERI PENDEDAHAN PROSES AUDIT MyRA SEBENAR KEPADA PTJ



UUM ONLINE: Pusat Pengurusan Penyelidikan dan Inovasi (RIMC) telah menganjurkan Bengkel Pengukuhan UUM Ke Arah Universiti Penyelidikan (RU) 2016 Fasa II di TH Hotel & Convention Centre, Alor Setar baru-baru ini.

Bengkel dikendalikan oleh Prof. Dato' Dr. Mohamed Isa Abdul Majid dari Universiti Sains Malaysia yang berpengalaman sebagai juruaudit Malaysia Research Assessment Instrument (MyRA) di peringkat Kementerian Pendidikan Tinggi (KPT).

Beliau telah berkongsi tips dan informasi mengenai penyediaan dokumentasi MyRA dan strategi yang boleh dilaksanakan bagi mencapai mutu penyelidikan yang terbaik.

Selain itu, turut serta sebagai juruaudit ialah Prof. Dr. Mustafa Mat Deris dari Universiti Tun Hussein Onn, Prof. Dr. Kalsom Kayat dan Dr. Nooraini Yusoff masing-masing dari UUM.

Pengarah RIMC, Prof. Dr. Mohd Azizuddin Mohd Sani berkata, bengkel ini bertujuan memberi pendedahan proses audit MyRA yang sebenar kepada Pusat Tanggungjawab (PTJ) dan pembekal data yang berkaitan melalui simulasi audit dalaman.

“Selain itu, pemahaman yang tepat berkaitan dengan definisi operasi (OD) MyRA 1 yang baharu dikemas kini pada Disember 2016 dikongsi dengan peserta dalam bengkel ini.

“Anggaran pencapaian MyRA Tahun 2016 juga dapat dilakukan melalui aktiviti audit dalaman ini dan pembekal-pembekal data juga telah diberi pendedahan kepada proses audit yang sebenar melalui sesi simulasi audit.” katanya lagi.

Peserta bengkel terdiri dari 26 orang pembekal data daripada jabatan yang berkaitan serta kakitangan RIMC yang terlibat secara langsung dalam pengumpulan dan penghantaran data MyRA.

Sementara itu, Timbalan Pengarah Unit Tugas-tugas Khas RIMC, Dr. Mohd Faizal Omar berharap melalui penganjuran program *awareness* seumpama ini diharapkan dapat membantu Universiti agar lebih memahami glosari dan merangka strategi bagi meningkatkan pencapaian MyRA.

Dr. Mohd Faizal meminta agar semua pihak yang terlibat dalam pengumpulan data MyRA dapat memberikan kerjasama yang lebih mantap dan bergerak sebagai satu pasukan dalam menghadapi proses audit MyRA 2016 yang sebenar.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.